

SCRIPT OF MORNING GOJRI NEWS BULLETIN 28OCT 1015 HRS

مارننگ گو جری نیوز بلیٹن مورخہ 28 اکتوبر 2025

یوہ آکاشوانی جموں ہے باغ علی طاہر تیں خبر سُنر۔

PM YOUTH

وزیر اعظم نریندر مودی نے ملک غا نوجوانان ور زور دتو ہے جے وے وکست بھارت معلوماتی مقابلہ مانہہ شرکت کریں سماجی میڈیا ور اک پوسٹ مانہہ جناب مودی غو کہنو تھو جے وکست بھارت نوجوان لیڈران غا 2 عشریہ صفر مزارکرات قوم غا نوجوانان واسطے اک عظیم موقعو ہے تانجے وے قوم غی تعمیر مانہہ حصولے سکیں اُن غو کہنو تھو جے نوجوانان غا خیالات تے سمجھ بوجھ وکست بھارت غی تعمیر غی خاطر راہ پدري کرن مانہہ مددگار ثابت ہوسکے۔ واضح رہ جے لوگ اس معلوماتی مقابلہ مانہہ آئیندہ 31 اکتوبر توڑی شرکت کرسکیں غا۔

JITENDRA BIO NEST

مرکزی وزیر ڈاکٹر جتندر سنگھ نے کل کٹھوعہ ضلع گا گھاٹی علاقہ مانہہ اپنی نوعیت غا پہلا انکیوبیٹر نیسٹ بایو ناں غا صنعتی بایو ٹیکنالوجی پارک ناں شروع کیو ہے اس موقع ور بولتا واں ڈاکٹر جتندر سنگھ غو کہنو تھو جے یوہ دن کٹھوعہ تے پورا جموں صوبہ واسطے اک نواں دور غی شروعات ہے جت سائنسی صنعت تے اقتصادی تبدیلی غو آگاز ہووے اک بڑا عوامی اکٹھ سنگ خطاب کرتا واں ڈاکٹر سنگھ نے کہیو ہے جے اس سہولیت غا مہیا کران نال نوجوانان نانہہ نویں سوچ پیدہ کرن تے نواں نکتہ نظر واضح کرن غا موقعاً میسر آسکیں غا اس تقریب نانہہ سی ایس آئی آر انڈین انسٹیٹیوٹ آف انٹیگریٹیو میڈیسن جموں غی طرفوں منعقد کیو گیو۔

CM RENT BILL

وزیر اعلیٰ عمر عبداللہ نے کل قانون ساز اسمبلی مانہہ جموں کشمیر رینٹ اتھارٹی بل سال 2025 متعارف کرایو یوہ بل غی ادانگی نانہہ باقاعدہ بنان غی کاطر پیش کیو گیو ہے تانجے زمینداران تے کاشتکاران گا مفاد نانہہ تحفظ دتو جاسکے اس توں علاوہ اس بل غو مقصد اس سلسلہ مانہہ پیدہ ہون آلا تنازعان غا نبیڑا غی خاطر طریقے کار وضع کیو جاسکے اس بل نانہہ پہلاں ہی سرکاری گیزٹ مانہہ غیر معمولی معاملان غی مد مانہہ شائع کیو جاچکو ہے بل متعارف کراتاں واں وزیر اعلیٰ نے یاہ گل واضح کی این بعد مانہہ قانون ساز اسمبلی گا سپیکر عبدالرحیم راتھر نے اس بل نانہہ ایوان مانہہ پیش کیو۔

CM JKSSB

قانون ساز اسمبلی مانہہ پُچھیا گیا اک سوال غو اک تحریری جواب دیتا واں وزیر اعلیٰ نے جانکاری دتی ہے جے سال 2025 غے دوران جے کے ایس ایس بی نانہہ 2415 آسامیں پُر کرن غی کاطر حوالے کی گئی این اُنہاں نے دسیو جے سرکار ان آسامیاں نانہہ پُر کرن غی کاطر پہرتی عمل مانہہ تیزی لیان غا اقدام کر رہی ہے نالے بروقت آسامیاں نانہہ کے جے ایس ایس بی غے حوالے کرن غا عمل مانہہ بہتری آتی

جاری ہے وزیر اعلیٰ نے سرکار غا اس وعدہ نانہہ فر دہرایو ہے جے پھرتی عمل
نانہہ شفاف تے موثر بنايو جائگو۔

KISHTWAR AIRPORT

سول ہوا بازی تے انریورٹ اتھارٹی آف انڈیا غی وزارت غا افسراں ور مینی اک اعلیٰ
سطحی ٹیم اج تیں آئیندہ 29 اکتوبر توڑی کشتواڑ غو دورو لاغے اوڈان سکیم غے تحت
ات اک ہوائی اڈو تعمیر کرن بارے پہلوواں غو تخمینو لاوے گی آکاشوانی جموں گا
نمائندہ نے جانکاری دیتا وں دسیو ہے جے اک 5 ممبری خصوصی ٹیم اج کشتواڑ
پُجے گی دہلی واپس جاغے یاہ ٹیم اعلیٰ عہدیداراں نانہہ اس بارے اک رپوٹ پیش
کرے غی جس غے بعد اس سلسلہ مانہہ آئیندہ غی حکمت عملی طے کی جے غی۔

MARRIAGE SCHEME

جموں کشمیر سرکار نے غریب لڑکیاں نانہہ شادی بیاں غی خاطر دتی جان آلی امداد غا
سلسلہ مانہہ پہلاں تیں مقرر کی گئی تعلیمی قابلیت مانہہ رعایت کی ہے سماجی بہبود
محکمہ غی طرفوں جاری کیا گیا اک تازہ حکم نامہ غے مطابق اٹھویں جماعت پاس غی
تعلیمی اہلیت مانہہ سال 2028 توڑی رعایت کردتی ہے سرکار نے اس راہ کہٹوں کہٹ
تعلیمی قابلیت غی اس پابندی نانہہ چاء لیو ہے تے اس راہ ہُن غریب لڑکیاں غی شادی
بیاں کی خاطر ملن آلی سرکاری مالی امداد مانہہ تعلیمی قابلیت کوئے رُکاوٹ نی ہے
اس گل غی جانکاری وزیر اعلیٰ عمر عبداللہ نے آپنی اک سماجی میڈیا پوسٹ ور دتی
ہے۔

PROG ANN

ریجنل نیوز یونٹ آکاشوانی جموں غی طرفوں آئیندہ 30 اکتوبر نانہہ 25 منٹاں ور مبنی
سوچھتا بھارت مشن گرانیں غا موضوع ور خصوصی گل بات غو اک پروگرام نشر کیو
جائگو یوہ پروگرام سوچھتا پکھواڑا سال 2025 غا اختتا ور نشر کیو جائیگو یوہ
پروگرام 30 نومبر دوپہر 12 بجے نشر کیو جائیگو اس پروگرام مانہہ مارا خصوصی مہمان
ڈپٹی ڈائریکٹر محکمہ رورل سینیٹیشن جموں وین گا جد کہ پروگرام مانہہ میزبانی غا
فرائض شروتی کھجوریہ انجام دیں غی یوہ پروگرام آکاشوانی نیوز جموں تیں میڈیم
ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُنیو جاسکے گو۔
